

Nasjonaale pryövemh

Vuesiehtimmien lierehtimmieh

5. jaepiedaltese

Voeresen måellie

Ikth lij aajja man nomme Vulle. Dïhte lij båeries jïh dagkere bealhkadihks gie iktegesth bielhkienie. Dah gïeh satnem damti, idtjin tuhtjh mij luste dam råkedh. Buerebe dam liepedh.

Ikth böösetje Piere mænna dejtie gaajhtside gåatan veedtjedh. Dah gaajhtsh jis dennie feavrosne kröödtseminie. Jïh gosse böösetje edtja dejtie gaajhtside veedtjedh dellie vuajna, tjuara dan byögkeles Vullen sielkedahken baaktoe vaedtsedh. Gaajhtsh jis feavroen mietie gåetide minneminie. Gosse Vullen sielkedahken lihke böötin, dellie tjöödtjestin desnie eelkin kröödtsedh. Vullen lin viermieh akten skaavtegen sisnie öövre dennie tjaetsien bijjeles-gietjesne. Naevstien okse jis aaj ræhpas. Böösetje gujht guarkaji mij daelie sjïdteminie.


Njiejieh gaajhtsh jïh njiejieh tjillegh lin jïh akte måarehks buehkie. Idtji Piere dej gaajhtsigujmie seamedh jïh dellie dejtie biesteli. Dah gaajhtsh jïh tjillegh golh sijhtin naevstien sisnie aaj kröödtsedh. Desnie eelkin gejhkie-guelijste snaabredh.

Dïhte stoere buehkie aaj dahkoe sijse sijhti. Badth idtji disse buektehth. Dïhte lij viermide dabranamme mah dennie skaavhtegen sisnie. Buehkie skaavhtegen bijre tjabra, tjåervide dejtie viermide giebredamme. Idtji destie biesh. Buehkie desnie praahka jïh dåårrese. Jïh Piere, dïhte seksie, idtji daejrieh jeatjah goh viehkien mietie tjåarvodh. Viehkiem tjåårve.

Vulle gåvla guhte tjåarvoeminie, jïh hævvi olkese båata edtja govledh mij dïhte. Dellie gaajhtside sielkeldahkesne vuepteste, jïh gåvla guktie böösetje destie tjåarvoeminie. Vulle feavrose ruahta. Joe bealhka, gosse roehteminie. Piere guarkoe daelie maa måellie sjædta.

Daelie maa tjeskerde. Tjuara dejnie buehkine gæmhpodh jïh idtji doesth rïpmedh. Vulle-aajja båata viehkine juktie buehkie viermijste loevene. Dellie maa buehkie loevenamme. Buehkie dejtie viermide dan mååskeme. Gejhkie kraesie mearoste jïh haaskoe aaj disse dabranamme.

Vulle tjöödtjeste edtja aelkedh Pierem bielhedh. Åå jöödtedh guktie bealhka. Searomh öövre rååpsehke jïh snohke-tjalke njaelmeste garkese. Piere båastolen vaadtsa, bælla Vulle satnem edtja låevtedh. Vulle bealhka, Pierese måarehks, badth idtji låevtieh.



Guvvie: Susanne Lyngman

Mearan Vulle bielhkieminie, Piere buehkiem Vullen rudtjen duekesne vuepteste – guktie buehkie guenhtede vaadtsa , edtja låevtedh. Dellie Piere moenede daesnie amma luste sjædta. Dastegh dellie buehkie Vullem ravvese gåaljoste, jìh aajja viermie-skaavhtegasse gahtja. Piere destie rohteste, jìh buehkie dan jis mìnngesne.

Vulle tjuedtjele jìh vååjnoe goh tjaetsie-raavke, viermieh åejjesne, searomh dïeves snohke-tjalkese. Desnie tjåadtjan bielhkieminie. Gïetigujmie sjeepedeminie jìh tjåårve: Båetieh bååstede dåtnoeh skaadtjerh, edtjem dam buehkiem ajpestidh jìh abpeluktien voessjedh!

Bööremes måarehks almetjijstie rïpmedh, goh snyhkehtalledh jìh kaanne mårhkedh, Piere ussjede. Jìh buehkie aaj geerjene destie hïegkine dabpanidh.



Guvvie: Nils Áilu Utsi

Soptsesem "Duojkke", Samuel Gælok tjaaleme, jïh gaavnh gærjesne lednegiella 5, maam Kurt Tore Andersen tjaaleme. Tekstem sjiehtesjamme Nasjonaale pryövemidie.

Lohkh soptsesem dunnie mubpine bielesne voestegh. Dan mænngan daejtie gyhtjelasside vaestedh. Kaanne gellien aejkien tjoerh lohkedh jis reaktöe vaastöeh gaavnedh.

1. Gusnie daate heannede?

- A. Mearoebealan
- B. Jaevriebealan
- C. Jeanoebealan
- D. Dållebealan

2. Gåabph gaajhtsh jïh tjillegh sijhtieh mïnnedh?

- A. Gåetien gåajkoe
- B. Vullen naevstien sïjse
- C. Viermie-skaavhtegen sïjse
- D. Pieren mïnngesne

3. Daam maam daagkoe vuelelen tjaaleme daennie soptsesesisnie heannadamme.

Bïejh jiehtegh reaktöe gaevnjieruktien mietie (i rett rekkefølge).

Bïejh 1. jiehtegen åvtelen mij voestes heannede.

Bïejh 2. jiehtegen åvtelen mij dan mænngan heannede jnv.

Nemhtie darjoeh gosse aktem taalem gaajhkh jiehtegi åvtelen beajeme.

	Piere gaajhtsh tjöönghkie jïh dejtie edtja gåatan vaedtsedh.
	Buehkie Vullem ravvese gåaljoste guktie gahtja.
	Vulle Pierese bealhka jïh gaaje måarehke.

4. Piere tjoeri viehkien mietie tjåarvodh dannasinie ...

- A. ... dejtie gaajhtside naevstien sijse biesteli.
- B. ... idtji doesth Vullen naevstien lihke vaedtsedh.
- C. ... giehtele dejtie gaajhtside jih tjillegidie gåatan vaedtsedh.
- D. ... idtji buehkiem dehtie viermeste buektehth oktegh loevenidh.


5. Datne vïenhth daate saetnies soptseste jih maahteme heannadidh?

- A. Jaavoe
- B. Ijje

6. Mannasinie vïenhth Vulle-aajja Pierese måarahtovvi?

.....

.....



Schweigaards gate 15
Postboks 9359 Grønland
0135 OSLO
Telefon 23 30 12 00
utdanningsdirektoratet.no